

كوابيس

عماد الخطيب

"على محمود عبد الرازده"

لو استطاعت كلماتي أن تتكلم بعفواً مما بداخلي
لغزوت بها صفحات المستحيل

إهداء إلى ...

روح العنق تسكن جسدي
دمي الذي يجري في وريدي
نبضات قلبي ووجداني
" زوجتي الوفية وأبنائي "

عمار

عزى القارئ

اليوم من خندق الديوان الذى بين يديك
تطل على شاعر حامى وتميز له القدرة
على متابعة الأحداث والتغيرات الجارية
المتغيرة والتغير عنها ببساطة وسلاسة
فهو يمتلك أدواته ليطلعها بكفاءة
عالية كيف يشاء ..

شاعر مهين يلقى أشعاره تحتلج المسامر
والأماسين لأنه ينقل لجمهوره كل
ما يجول بخاطرنا ... وفى الغد القريب
سيحفر هذا الشاعر لتفه مكاناً متميزاً على

خريطة الأدب

- وإن غداً لنا ظهر قريب .. -

محمد عفاي
مدير ثقافة أمانة قريش

إكتب
إكتب ... إكتب ... إكتب
وإملا كل الأماكن
وأوعاك ف القلب تكتم
جوانا الحب ساكن
أكتب فوق الشجر
عا النسمة وعا القمر
وإطلع فوق السحاب
وإكتب تحت المطر
وافتح صفحة كتاب
وأنقش فوق الحجر
طلع كل اللى جوه
وأكتب عن كل حاجة
دامافيش ف الدنيا قوة
تقتل جوانا حاجة

غواص

باحلم أكون غواص
جوه ف قلوب الناس
أأقلع جذور الشر
وأبدر مكانهم دو
وأبدر معاه المأس
يطرح مكان المر
قلب وكفوف تنباس
وأصرخ ف جووير
وأكتب عشان الناس
إن الزمان بيمر
يا حب ليه تنداس

عَلَمه

شارب ف عشقك
سنين وجع وآهات
ومذتي وجداني
مسطول ونفسي أفوق
والعتمة منعاني
باحلم أفك الطوق
وأغنى ألحاني
وأرفع دماغي لفوق
الأقبيك من تاني
حضن ف ليالي الشوق
بيضم أحزاني
هو سبيل واحد
مالهوش بديل تاني
يا إما ييجي الضوء
يا شرب ف عشقك تاني .. وتاني وتاني وتاني

كَلَّكْ

يا مريعات الزمن
الحرفيكي أسير
لغيت سنين ف ضلوعك
ما بين حنين وآتين
ولقتني برغم طوعك
مخنوق بطابية وفيل
لا عارف أركب فرس
ولا قادر أبقى وزير
يا مريعات الزمن
منعوني حتى أسألك
بيعاني ولا هاتشترى
عايزني لعبه بزميلك
أبكى وأسقف وأنحنى
ولإني رافض أتملك
كان حد سيفهم عنترى
وسمعت صوت قال إتهلك
والصوت لفاجر مفتري
من إمتى كان توب الملك
بيلف عود العسكرى

نفا

غمض عينيك
كتف إيديك
شكل عجنتك
من حزنك
على ودانك
وابلع سكات بقك
وأوعاك تقول
الحلم من حقك
لاحسن ف لحظة
تلاقى
سن القلم شقك

فلو استوب

علامه لستفهام
والقلم مافهوش مداد
علامه ل ستفهام
ما أنتهى وقت السداد
علامه ل ستفهام
ما أنقطع جبل الوداد
طعم الغنى ف الخلق مرر
والوجع ع القلب زاد
واتجمدت فينا المشاعر
والست قالت فات الميعاد
والدفا وحب التلاقي
تاهوا فعيون الولاد
واختفى كل اللى باقى
من فتافيت العناد
حتى الطهاره ف الخفى
اتلبست توب الحداد
عديت حدود الحلم بالاشعار
بس الحقيقة قالت
إن انا حنة جماد

١٠

أول ما قلت بحبك
قالوا على متهم
واتشككت
كام محكمة
وأتوجهت لى
كل انواع التهم
وف شرع مين
عشق التراب والوطن
تهمة وجريمة
إن كان كده
أنا بأكرهك
من كل قلب جبان
شامم هواكى
وعايش على أرضك
زيه .. زى التميمة

سؤال

إيه الحكاية يا غالية
ردى على قول سؤالى
من كتر حبي فيكى
أقلبي شألبلى حالى
خرجت الكره منه
وكسرت ف ضهره قلة
مليون مرة ومرة
ما أنت من يوم ميلادى
للقلب حضن وضلة
بس الحب الزمن ده
بيجيب للقلب عله

طاووس مغرور قوى
 قال للعندليب إنيخيه
 على إيه الناس تحبك
 وتحب صوتك ليه
 إسود بلون الليل
 ولا فيك لمحة جمال
 وعشان توصل جمالى
 داشىء محال محال
 بص لنفسك كده
 وعيشتك بين الطيور
 عايش كما المذلول
 أما أنا متبغدد
 ما بين حرير وقصور
 رد عليه ف الحال
 ودندن الموالم
 ما يعرف طعم الحلاوة
 الا اللى داق المر
 وإنت جمالك طبيعى
 بس حبس مش حر
 كان حقك من يوم ميلادك
 تتمنى لحظة موتك
 إن كان جمالك سلاحك
 يا حلو .. سمعنى صوتك

يا واه

يا واه يا واه ما بدهاش
كل القلوب صبحت قماش
مطبوع عليها صيغة كلال
الحب علقم جوانا باش
جرى فعروقتنا ومنه دقتنا
طعم المرارة والانكماش
ما يهمنناش نوع القماش
إن كان حرير أو حتى شاش
ما العتمة غطت قلوب كتير
خلت تمنها بلاش .. بلاش
حتى الضمير إتباع رخيص
يا إما قسط .. يا إما كاش
يا رب أستر على اللي جاي
ومن اللي جاي
لو إحنا متنا
أو غيرنا عاش
يا واه .. يا واه

سهران

بين المسا والضحي
قاعد وحيد سهران
لا .. لاقى قلب حنون
ولا طبخة إنسان
أشكى لقمر الليل
م الهم والحрман
سمعت صوت ف القضا
كما دعا الكروان
عايز تنول الرضا
والعيشة تبقى أمان
لا تحزن عا اللي مضى
ولا تعتب عا الزمان
واحذر صحاب السوء
وذلة الشيطان
وأغسل ذنوبك بالرضا
وأستغفر الرحمن

ميمون ٩٩.. وكل السنين

ميمون مظلوم قلى
متربى عا العفة
كل اللى ليه م الدنيا
حبة غناوى ف قفة
لا عمره مره كان
من كدابين الزفة
ولا ليه فضرب الودع
ولاف صالات الرفه
طول عمره شهم وجدع
راضى برزق الكفة
يكره تلبيس العمة
ولا يرض حد يغشه
أما قليل الذمة
يرفض ملامح وشه
واللى إبتلى بالحمة
لما يجيله ينشه
بس ولاد الرمة
طمعوا ف دودمشة
مقدرش يكتم غيظة
أم خاد حمار وشه

هاتّ وخذ

هيه كده الحياة
تشبه لمانش الكورة
مرة تكون مكسب
والثانية تبقى خسارة
الفين خسارة عليك
ياللى تعيش عا الهامش
لحظة شروق الشمس
إزاي تكون ف الصورة

البحر لما يهيج
الموج يهزمذف بعضه
والنوه لما يتيجى
بتقلبه على بعضه
وكتير من الأشكال
عائشة فى خير وسعده
بس الأصيل بيعيش
ويصون كلامه ووعدده
أما الحسيس بيموت
والريحة تفضل بعده

سلامتك

(محاولة الإعتداء على السيد الرئيس محمد حسنى
مبارك بورسعيد الاثنين ٩٩/٩/٦)

محاولة لاعتداء
هيه الميايعة بجبد
هاتسألونى إزاي
ردى يا دوب عا القد
بعد المحاولة سالت
دموع كتير عا الحد
ومشاعر صدق بانث
من شعب حر بجبد
بتقول حبك ياريس
ف القلب ماله حد
وبعيد عن الألفاز
مصر دارنا ودارك
إنجاز ورا إنجاز
والحب هوه شعارك
وإن جاز .. نقول إعجاز
وأكبر دليل أفكارك
وإن كان فى واحد شاذ
ملايين بتقول مبارك

أفديكي

ياما كنت أتمنى أكون
طلقة ف بندقية
أو دانة ف حضن مدفع
أو قنبلة يدوية
أو إيد عفية تجمع
معبر على الميه
وأفديكي بعمرى كله
والعمر كله شوية
ياما وياما وياما
ولحد يوم القيامة
غلى ف القلب ساكن
لكل الصهيونية

١٢٠

أنا بيلي

راح انقش إسمي
وأغنيك حبيبتي يا مصر
وأكون لعنيكي نور فجرك
وأبنيك ف قلبي قصر
أنا بيكي .. أنا بيكي ..
أنا شمسك ف يوم النصر
ياخويا .. يا خلي أنا مارد
إيديا وحيلى أنا شادد
بصبر وعزم أولادك
هانفديكي بروحنا يا مصر

كوابيس

حلمت إنى بأتقتل فوق السطور
قلمى حزين والورق بقى أرض بور
شفقتى القمر مخنوق بيبكى
مش قادر يبعثلى نور
والشمس تايهة ف السما
حتى السمك كره البحور
وشجرة خضرة مضللاتى
إنما من غير جدور
وإيد بتسرق نبض قلبى
ويتقتل أجمل شعور
حسيت بشىء غريب بيشدنى بين السطور
للمت نفسى
ولسه يا دوب باكتب وأقول
ب ح ب ك يا وطن
قلمى إتقطم

قضية

يا سيف مسنون عا الرقاب ومستعد
حدك ها يحكم ما بين العادل والمستبد
قال القضية قدامى ورق
والشاطر اللى للنهاية يسد

هيه كميا

الواحد مطروح م الواحد
تبقى النتيجة صفر
والواحد مضروب ف الواحد
تبقى النتيجة كفر
والواحد مجموع مع واحد
تبقى النتيجة ضفر
حالف ما يطلع من لحمه
أصل الكيان واحد
ودمنا واحد
وقلبنا واحد
فأمتى بيحى اليوم
نقوى ونتواحد

دقة زار

دقت دفوف الزار رجت كيان البيت
يا حلمنا المنهار من جوه قلبي دعيت
والقلب ماعدش واحد والوقت سارقنا
ومين هايحمى الدار من هوجة العفاريت

فراق

ورقى الحزين إشتكى هجر القلم لسطورة
سهر الليالي ويكى الليل بعرضه وطوله
يا للى نويت عا الهجر امنتك
يوم ترجع تسأل عا الحبيب وتزوره
ف الهوا سوا
باطرح سؤالى عليك يا زمن جاوب وريحنى
ليه كل قلوب البشر قاسية بتجرحنى
قال عجبى عليك يا حب ما الجرح طايلنى
راميين اللوم على وجتلك عشان تنصحنى

أنت اللي باقى

إنطلق .. أصرخ يا قلم وإتكلم
وأوعاك ف لحظة تنكسر وتسلم
دأنت اللي باقى من دفى الأيام
وأنا كل يوم من دنيتك بتعلم

أحلى كدبة

أمير أنا ف العشق
حواليه المشاعر خدم
والخطوة ف بحر الهوى
من ألف للمليون قدم
بدرت حبي بين ضلوعك أمل
وأما جنيت الثبت
لقيته وهم وعدم

خبرو الله

قلبي آيا حيران
قسموك كما القولة
دايا ما قلوب كتير
عايشة لكن مقتولة
ياوردتين على غصن بان أخوات
الأولى نادية مفتحة
والثانية ليه مقفولة

أنا والحزن

ناولني كاس الفرح يا زمن واسقيني
وإملالي تاني وتالت لحد ما ترويني
والحزن واخذ من ملامحي سنين
رسمني ف قلبه ونقشته على جبیني

موتى وسمى

موتى وسمى م الى
يبقى كده بوشين
لا عمرى هامشى ف ضله
لو حتى رحت الصين
ولا يوم هاكون له خله
لو شالنى جوه العين
أصل ف حقيقته انه
واحد من الصنفين
يا إمالثيم وواطى
يا شيطان من الشياطين
ما تخافش
ياللى شقيت ف قلبك مليون طريق للحق
إوعاك تخاف م العتمه ولا من خفافيش الشق
أصل اللى عايش ضلمته مثله كما عود الخطب
ممكن بإيدك تكسره
ويحد فجرك المغمور ينشق

رهان

تخسر رهانك يا للى تلعب على الدنيا
دأنت ف لحظة بتتولد وتموت ف ثانيه
ما هو كل أول وله نهاية
والدنيا مهما دامت برضه أيامها فانيه

أبيض من الحليب

بهلوان ولا
الوش دا حقيقي
إكشف ورينى يا للى
بتقول إنك شقيقى
طول عمرى شهم وجدع
لا عرفت ف يوم خداع
ولا مرة خنت صديقى

أنا

أنا عاشق حروف إسمك
وقلبي داب فتكوينك
أناضلك وأنا شمسة
وسمة شوق على جبينك
أنا يومك وأنا أمسك
ولحظة نور ف قنديلك
أن شعرك وأنا همسك
على عودي بغنيلك
دأنا كفى بلون شمسة
وقلبي فرع من نيلك
ولو مرة تناديني
يا مصر بعمرى البيلك

إنت

إنت جوه جوايا
وقلبي هوه عنوانك
إنت روحى وهوايا
ونبضى شعر ألكانك
إنت جوه جوايا
ودم بيجرى ف عروقى
إنت جرحى ودوايا
وفجى ليلى وشروقى
إنت جوه جوايا
ونبض القلب من خيرك
إنت عمرى ومنايا
وإية العمر من غيرك

أنا وأنت.. ورقة وقلم

كل اللي باقى منى
ورقة وقلم
كل الصور فى التنى
نسر وعلم
وأنا باشتهيكى يا طيبة
فى كل لحظة فرح
وف كل دمعة آلم

أنا وأنت

أنا وأنت ورقة وقلم
حلم الخلود
بيضمنا
ولو ف يوم تاهت حروفنا
من تانى
نبنى ف عشنا

آلوهووووو.. يا عرب

آلوه .. آلوه .. يا عرب
الصوت خلاص غلق
يا ماحاولت أتصل
الخط متعلق
آلوه .. آلوه
سامعيني والا
خط الأمل يعتوه
آلوه .. آلوه
جايز والله أعلم
الخط دا مشغول
والخط دا معزول
والخط دا بهلول
والخط دا دلدول

ونقول
إن الحرارة مافيش
والتلج
غطى الحيطان والبيبان
والشيش
ويقت يا بيت الغمة
قصاقيص على تناتيش
وإذاى نعيش
بكرامة ف خف الريش
ووشوش ما بتختشيش
وكلام من غير ملامح
يملى مليون أفيش
وأفيش ينطع أفيش
يسدوا عين الشمس
ف الصبحية
قومية .. عربية
عربية
وإذاى تدور
من غير موتور

معقول يا ناس
النبت يطرح والارض بور
يا وحدة
واحدة .. واحدة متفرقة
إمتى بقى
كل الايدى تتجمع
والكلمة تبقى الهمة
ونشيل الصدا المتكوم
والقلب يتلمع
ساعتها هاقدر اقول
دى وقفة الرجالة
ولما أحب أتصل
ألقى الخطوط شغالة

سمع .. هس

سمع .. صنم .. هس
وجع .. ألم .. رص
قلبك لقايا
حضنك دفايا
ودنك معايا
ركز شوية ويص
مليون شعار
طلق وشرار
وسنين كتار
نفضل صغار
طول ما القلوب
مافهاش عمار
طول ما الديار
مالهاش جدار
عمر النهار
ما يكون نهار
والقلب شايل
جواه مرار

والكف علم
والعجز عار
قلنا الحوار
كان اجتماع
إسلام .. سلام
كلام وضاع
وسط الصراع
وكل يوم
أفلام خداع
أصل اللي خلص
من زمان
قصر وباع
وهموم - جنون - سكوت
سكوت لاحسن نموت
شكل اللسان
من غير كلام مربوط
حتى الحروف
فوق السطور بتموت
وان كنا كلمه .. تلمه
معبونه بالسكوت
فياميت خسارة
عا الحضارة
لوحركوها بالريموت

الحزن العربي - غيبوبة

حلم إيه
اللى إنت جاي تقول عليه
أنا أحلم
طب وليه
أنا أحلم
لما يكون الحلم من حقى
لما أحس بوجودى
وتدوب الكمامة
من على بقى
أنا .. أحلم
هم
كابس على صدرى
وقدرى
أكون منهم
أكون منكم
أكون عربى
ومنين أجيب المرأة
عشان أحلم

يا قلوب بلا إحساس
ملهاش ف الدنيا عازه
يا عاشقين للكاس
والمذة وياقرازة
يا قلوب جبانة
حلمكم
بقى زى اللبانة
تتمضغ شمال ويمين
تتلون بريق منجوس
تخرج من بين الشفايف
جواها امل محبوبس
يلقطها اللسان من تانى
يرميها تحت الضروس
وتدوس
آه
وآه م الآه
لما تشق الصدر
وتنادى على بكره
فاكر زمان لما
كان نفسنا ف له
تداوى آوجاعنا

مصرى ويمنى وأردنى
ولكل آه معنى
لما نادينا يا وطن
حلم الوطن سعنا
دلوقتي ليه يا وطن
حضنك بيرفضنا
نلوم عليك ولا
نعتب على قلوبنا
وازاى نلوم وانت
دارنا ومكتوبنا
إحنا اللي صابنا العطن
وسط السكوت دونا
لما فى لحظة العفن
غطى على قلوبنا
ونسينا لون الكفن
وطلعنا من توبنا
إيه اللي صابنا
سهم البلادة والا
دوسنا على قلوبنا
كل الايديين متفرقين
كل القلوب عن بعضها
متفرقين

لما قعدت
أنا والصحاب متجمعين
وسألتهم .. الحلم فين ؟
كان الجواب ف كلمتين
فيه اللي قال
الحلم فارق
واللي قال
الحلم هاجر
واللي قال
لا .. دا أتظلم
وأنا
من بين ضلوع الهرم
من أعلى مدنه فالحرم
بأصرخ وأقول
مين اللي باع
من قلب تكوين النخاع
بأصرخ وآه بتهتنى
مين اللي باع
لا الحلم فارق
ولا هاجر
ولا اتظلم
الحلم
ضاع ... ضاع ... ضاع

يو - إس - إيه ... بوسنة

يو - إس - إيه ... بوسنة
لما نكون قاعدين ف بيتنا
والنجاسة تدوسنا
يو - إس - إيه ... بوسنة
لما نكون أصحاب حقوق
وكلاب السكك تحرسنا
يو - إس - إيه ... بوسنة
لما نكون كرامة ودين
وقموت نفوسنا
وأما العيون بتغفل
والقلوب تموت
توت .. توت
إنذار وموت
واللى يعدى
من بين سنان الحوت
لازماً يموت
يا صوت

أخرج من الحناجر
زلزل كيان الفاجر
عدى وفوت
دفى التابوت
خلى النفس
اللى انكتب عليه الموت
يخرج .. يفوت
على صدر اخويا .. اختى
امى وأبويا
يبقى سلاح .. عزم وكفاح
ويحى على الصلاة
حى على الفلاح
الله اكبر
تموت اليو والإس
والإيه تتقص
وأحضن ف أرضك يا بوسنة
وأقول يا عدل فوق
مهما يطول الظلم
شرطك مكانه فوق
وأحفر ف الوجود إسمى
وأنقش للزمان رسمى

واكفني عا الأسى جسمي
ويا غدر بلهيبى أكويك
ف غنايا ويا الديك
إسلام أنا أفديك
والصخرة على صدرى
أحدا أحد أحميك
والدم فوق التراب يجرى
محمد رسول الله
وكفنى ف السما فجرى

درد لله

الأصل عربى
والقلب عربى
ولغتنا عربى
سهله وجميله .. ملك لايدنا
عشان نصونها ونكون بديننا
نشيلها جوه رموش عينينا
لازما وحتما نضيف لها
كلام يرم عضمها
نصيحة قالها استاذنا طه
قالها بنباهه بلاش تفاهه
ضيفوا للغتك كلام يفيدكم
واوعوا للسانكم ل ف يوم يخونكم
استاذنا طه قاعد معايا
ناخد وندي ف الحكاية
من غير ظرافة هاتشوف اضافة
بعد نصيحتك اخر لطافة
ف الشارع المصرى
انا مصرى وفارس عصرى

تاهت حروفى الاصيله
واتبدلت بحروف دخيله
ودى حاجة تكسف جتنا نيله
لما خبيتنا تبقى ف لغتنا
بلوه ثقيله
ياسطى حتاته يابو الغتاته
ياللى يتمشى تاتا .. تاتا
ياللى تموت ف قال وقلنا
والبلطجة وحب السماته
ما تلم دورك وتصون جيرانك
وتخف حبه من الالاه
يا عم صابر بلاش تهاجر
وتسيب عيالك متشحورين
دى بلادنا حلوة
وكلامها غنوة
بس إحنا دايمًا غافلاتين
متلهوجين .. متصرعين
والصح فين
ودروس خصوصى شفتت فلوسى
والست هانم مأيره
طب هاعمل ايه قب بجنيه
دى جيوبى بيضة مقورة

ما تفطموني لاحسن ديوني
خلتني اقسها بالمسطرة
زلزال وعيشة مزلزلة متقندله
نكية وكانت مشكلة
كشفت بلاوى متلتله
ارهاب وناب
عمال يمزع ضهرنا
يقتل برئ من دمنا ومن لحمنا
والاغتصاب
ومزاج شباب
تايه ف زحمة همنا
يبقى العتاب
هايكون لمين يا عمنا
فلوط وساكن حيننا
محشور تملئ ف الغنا
معاه بواكى بالهبل
طلع شريط وذلنا
عبد الروتين يا وادمتين
عقد أمورنا اللينه
عشان يخلص مصلحة
لاذما ينشف دمنا
وف الحباثة يا واد يا صاصة

من غير غلاسة
مهمزنى أحل المشكلة
صباحك ابيض نهارك قشطة
يا عم زنفل يا هو قنشطة
والمسافل يا عم ظل
رد علينا ولا تطنشنا
وكل واحد يقول شوية
ونسينا ديننا
اللى برضه له تحبه
والسكس بالف ومعايا صنف
مخدرات ومنبهات
والطاسة تبقى مسلطنة
وولاد حرام زى اللثام
كل اللى ليهم جمع الفلوس
ملعون أبوها
من كل لحظة وكل حين
لو جت حرام
يغنيننا ربك بالحلال المستقيم
والبت لوزة لابسة البلوزة
وانا قلبى موزه متزقنيش
ما انا اصلى فاضى ما تقول لبابى

ان كان كارفها بلاش يشوفها
ويسبنى مرة فى الهلس أعيش
خليك معايا بس اوعى تنسى
معايا بنسه
تاخذها ولا تروح وتنسى
خليك صلنص يا عم بنص
وبلاش تقاوح يا اكسلانس
والخاسة ماسة وبلاش غلاسة
خليك ف حالك يا مرمطون
بلاش تعاكس أو يوم تشاكس
روح خيط قبلة البنطلون
والاخ سوسو بالصدفة قابل
حبيبه توتو
عازمك يا كخة على فيلم دش
وإشباش
فيلم النهارده أحضان ويوس
لا تقول مذاكرة ولا دروس
واش اش
عا الاستريش
لما يلهل على كعب كوتش والديسكو
قال يا ناس يا هووه

ما تحوشوا الوله ها يجتنوه
يا ننى عين امه وابوه
الواد تشوفه يرقص تويست
حته زلابيا على هيست بيست
يا ناس حرام
ولادنا تفرق وسط المزار
وتضيع اونطة
ف بحر عتمه مالوش قرار
يابختنا يا سعدنا
دا الشخرمان فى البرطمان
والحمبالايس جواه كمان
وحاجات كتير مالهاش دليل
وكلام جديد على ودنا
بيهدنا ويذلنا
وانا اصلى دايم باندفع
فكفاية لاحسن
عن نفسى ضغطى ها يرتفع
استاذنا طه
من غير ظرافة ادى الاضافة
يا عمنا ما تقولنا
رايك ف خفة دمنا

استاذنا طه
قام اتنفض من قعدته
لما الكلام
شكشك ودانه وقلب معدته
استاذنا طه
رد بنباهه سبني ف متاهه
ولا بصليش
كداب يا خيشة ما فهمتنيش
طلعت مقلب وخنتريش

تعتي يا محبوبه

ضحيتي .. وشقيتي
وصامدة ما انتهيتي
من زمان من قبل سنين التهجير
وف ٥ يونية ٦٧
والايدى الصغيرين
بيلعبوا ف التراب
وبعتروه
ميعرفوش ان النهارده
من غير ميعاد
هاودعوه
ما بين سنين التهجير
ولحد يوم التحرير
وبعدهم بسنين
ضحيتي وشقيتي
وصامدة ما انتهيتي
وأنا
بالمح سنين حرمانك

الممدودين المجروحين
جوه عين بريئة صغيره
بين رمالك
اللى حاضنة جوه جوفها
قلب الشهيد
واللى شايله
فوق كفوفها بالامل
حلم الوليد
بين تجاعيد الكهولة
اللى تشهد بالبطولة
اللى ضحت واللى قاست
ف الكفاح بالالف ميل
واللى طاوية وسط خوفها
منى كلمة مستحيل
وف شروق الشمس لما
يوم بترسل بين شعاعها
ذكريات حلمي الجميل
وف زقزقة عصفور حزين
وف تساييح اليعامة
اللى راقده بين فروع متكتفين
بين سرب الطير المهاجر
المسافر

لما بيعت نسمة هواكى
اللى ف سماكى
بجناحاته الدبلاتين
تكشف عن ركامك
جرح نازف من سنين
وف درويك ف الحوارى
وف زقاق الطيبين
وف شقائكى وف عذابك
اللى طالك
من كاسات صبر السنين
وف دفاعى
اللى سارح بين عيدان القلب الاخضر
اللى شامم نسمة .. نسمة
من هواكى
واللى راشف نقطة .. نقطة
م الحنين
فوق جبين ولادك
العرفانين الشقيانين

بين سواعد
متجمعين .. متفرقين
بين فوارق السنين المخنوقين
بين موج قنالك
والسمسمية المنكوبة
والضمة منصوبة
ف الرقص عا السلم
بين خط القلم والمسطرة
تهتى يا قنطرة
تهتى يا محبوبة
حتى صبحتى اليوم
كلمة ومشطوبة